

迎

繡金

日

紀

西陂類藁卷四十一

商丘宋學牧仲

迎鑾二紀

皇上御宇四十有二年

迎鑾二紀

江寧縣知縣院右副都御史加三級臣朱榮

皇上御宇四十有二年，無日不以加惠元元爲念。曩因河堤冲决，有關運道民生，屢荷

翠華巡幸，指授方略。自康熙己卯，回鑾後，迄今壬午，又歷三載，值河工告成。

上允河臣張鵬翮疏請，今秋

親臨閱視，指示善後之策。臣聞

命，趨迎境上，嗣奉

以上係序除撞頭  
外俱低一字寫  
以下係紀頂  
格寫遇口則另  
行起口則宜一字

諭暫停臣祇遵旋吳明年春再往恭迎扈從月餘

脩荷種種

照遇抽毫拂素撰續迎鑾二紀一卷

壬午九月二十四等日節准兵部咨調遣扈從  
兵馬安設塘站准鴻臚寺咨文武各官五十五里  
以內迎送在籍各官免准總督倉場咨預脩船  
隻鱗夫准工部咨預脩柴炭准光祿寺咨日用  
猪鵝等物照時價採買准禮部咨

皇上所過嶽瀆歷代帝王陵寢預脩致祭准戶部

咨沿途喂養馬駝牛羊草束照時價採買

二十五日自吳門登舟迎

駕

二十六日舟抵常州准吏戶兵工各部咨奉

上諭諭吏戶兵工四部朕念黃淮兩河為運道民生所繫屢次南巡親臨閱視以覈濬修築之法指授河臣閉六壩以束淮數黃通海口以引黃歸海比歲以來工程次第告竣修防漸有成效

去年冬月河臣張鵬翮曾以河工善後之策及

應修之處請朕親閱指示茲當農事之際減約  
從員輕柴南下自徐州一路循視堤堰沿途皆  
設營壘不御屋廬日用所需悉已儲備經過地  
方一切供張宜通行禁止倘有官吏藉名科派  
累及小民或指稱預辦擅動庫帑察出定嚴加  
治罪地方大小文武官員與扈從官員託言親  
舊私相餽遺及隨從人等有妄行生事者俱以  
軍法從事閭閻百姓各事本業不須引避有懷  
挾私怨擅於駐蹕處所告訐者一概不准仍照

律治罪、爾部即傳諭扈從人員、並行各督撫、於所屬府州縣、徧張告示、務令通知、以副朕體恤民生至意、特諭、

十月初一日、抵淮安、會同督臣阿山、分委司道府、廳州縣各官、誠諭勤慎、趨事、

初五日抵宿遷、

初九日自宿遷登陸、晚抵山東紅花埠、

十二日、接總漕咨、十月初八日、奏事存住來保、傳與大學士馬齊、

止諭朕乘冬月巡閱河工途中皇太子抱恙就延  
教日今已全愈但身體尚弱宜加調理朕不便  
遽舍前往若再候數日起行恐河凍天寒水手  
繹夫未免苦累朕因此停往閱河江南官員各  
有職守不必越省迎接俱著回去來歲春朕巡  
閱河工應備各項俱著於來春預備可作速行  
文曉諭是日自紅花埠旋吳二十二日抵署

癸未正月初七日准兵部咨預備船隻於正月  
二十日到宿遷每日用繹夫六百名動正項錢



糧

初九日自吳門登舟迎

駕

二十三日抵宿遷會同總督安徽巡撫提鎮諸臣督催文武各官備辦迎

駕事宜

二十五日自宿遷登陸住桐峪

二十七日至紅花埠

二十八日至鄭城縣

二月初一日子時內務府營造司郎中佛保到  
郊口傳

上諭巡撫宋榮有年紀的人不必遠接着回宿遷  
祇候時將軍督提諸臣已先往前途辰刻臣榮  
同安徽巡撫臣喻成龍兩淮鹽院臣羅瞻狼山  
總兵臣劉含高及司道諸臣於郊城北五里墩  
跪迎

聖駕

上  
乘馬

皇太子 曰 四貝勒 三阿哥隨行

上 望見 臣 聲 向

皇太子云、此即宋聲、向 臣 云、爾多少年紀、 臣 對  
云、臣今年七十、

上 微笑、向

皇太子云、還健、略問諸臣年歲、即行、申刻村舍  
進膳、

賜 臣 等 迎 駕 各 官 御 饌、

駕將行、一老年侍衛詣臣曰、公宋巡撫耶、余名鄂

羅年六十八

世祖朝侍衛與公同事守

孝陵多年今扈從南來

上命與公相見因握手話舊言貌依稀辨之

上乘馬方行鄂羅趨進履

旨

上爲欣然鄂羅舊臣碩德

聖眷最篤稱馬法而不名薄暮

駐蹕詞語

初二日五鼓啟行午刻抵宿遷縣河漕督撫諸

臣扈從侍衛馬武傳

昔朕經過泰安新泰蒙陰沂州郕城等處見民有饑色應急行賑救經過地方雖經賑濟蠲免錢糧但州縣倉穀年久朽爛無裨于散賑著總漕桑格將漕米留二萬石交與張鵬翮揀選賢能官員運至濟寧兗州等處州縣減價平糶有應賑之處即行賑濟再交米二萬石與桑格於泰安一路散給又將收稅有力之官七員並奏在京旗民犯罪降級贖罪人一百名令伊等俱照

養蒙古例以所用之多寡分別議叙

上登御舟過中河登陸渡黃河閱堤工晚

駐蹕小桃源却居

初三日於黃河南岸隨

駕閱堤

初四日酉刻

御舟進清口停泊

初五日辰刻

御舟啟行亭午

駕進淮城

駐蹕總漕公署進膳紳士進詩賦或收或發還百姓進衣進宴皆口溫諭不收口賜漕臣桑格

御書

召河臣張鵬翮進見面加獎勞

御製覽淮黃告成詩一首殷勤久矣理淮黃幾度風塵授治方九曲素稱天下險四來實為兆民傷使清引濁須謹慎分勢開疏在不荒雖奏安瀾寬肝食誠前善後奠金湯口賜鵬翮淮安道

府廳各官、賜御書有差、侍衛馬武等傳、  
昔、著總漕秦格、將今歲漕糧截留二萬石、運至秦  
安等處被災地方、會同巡撫酌議糴賑、再動漕  
項銀一萬二千兩、交與侍讀學士殷特布等、  
往賑濟、薄暮登舟夜行、

初六日、過寶應高郵、

初七日、辰刻、過邵伯、更樓奉

上諭、諭總河張鵬翮、此地舊日被災形狀、與今山  
東饑民無異、朕今日觀此地、安居景象、豈忘山



東饑民乎朕念運糧賑濟關係緊要乘今日順  
風爾作速回清江料理轉運漕糧差官前往散  
賑將抵揚州一路商民奏樂叩迎絡繹不絕  
駕幸天寧寺

皇太子 西貝勒 十三阿哥侍行各官扈從  
齊罷還 御舟晚泊塔灣

幸行宮凡進詩賦照前或收或發還進衣進宴照  
前 溫諭不收

初八日辰刻啟行泊瓜洲

初九日

駕幸金山天氣晴和

上通爲探歷

御書勤靜萬古四大字

皇太子書水天浮玉四大字鎮江將軍馬三奇

諸勅石山中

上命江南二巡撫暨現在扈從各官赴江天寺彌

勒殿觀御書時江寧將軍鄂羅舜副都統鄂

克選鎮江將軍及副都統蔡統茂趙明江南提

督張雲翼同至。

上南面據案、陳設筆研綾紙、

皇太子、西貝勒、十三阿哥侍、

上命臣肇作字、臣奏臣幼學書未就、筮仕多年、草  
草批判、絕不成字、偶作署書及牒牘、頃今臣子  
輩代之、曾於三十八年啟奏過、今

大顏咫尺、愈愧悚不能搦管、安徽巡撫喻成龍亦  
以不善書對、提督張雲翼書

帝德如天四字、臣肇等奏云、

皇上御書日月也。臣等瞻火耳。恭請

親灑宸翰。俾臣等跪覩有萬其幸。

上領之。遂草書程顥雲淡風輕一絕。又行楷用黃

庭堅體書前詩一過。又書

卷中。其間有。一。舉生參石草。香散膽瓶

花一聯。復作行書。

命

皇太子。四貝勒。十三阿哥書。

皇太子書雲裏帝城雙鳳閣一聯。四貝勒書。

湖平兩岸闊一聯  
十三阿哥書綠野明斜日  
一聯  
臣學等奏云我

皇上御筆集書學大成高出從來帝王之上非臣  
下贊頌所能盡

皇太子  
四貝勒  
十三阿哥  
仰荷

皇上指授筆法咸入鍾王之室臣等於名山勝地  
恭逢

聖主揮毫允為曠代奇觀伏乞

天恩頒賜墨寶臣等復奏云昔宋臣范成大蒙宋

孝宗賜石湖二字、奕世傳為美談、在孝宗不過  
南宋偏安之君、我

皇上乃堯舜之主、相去霄壤、臣功業雖不及成大、  
然遭逢之盛、不啻過之、臣家有別業在城西陂、  
乞

皇上賜臣西陂二字、壓倒成大、不令獨有千古、

止云、此二字頗難寫、臣對云、誠然、臣常求之善書  
者、多不能書、刑部尚書王士禎與臣同學、常云  
此二字、倘得

御書方為不朽盛事。臣下情不勝願望。時諸臣競進求書。臣奏云。臣老矣。以齒當先。賜臣。臣上笑云。朕本好書。爾求之甚力。且爾七十歲人。朕不忍却。走筆作西陂二大字。面賜臣。臣叩頭祇受。

上還行宮。向侍衛云。宋舉啟奏是有學問口氣。少頃。命侍衛海青將西陂字取入。重書一遍。賜臣。復賜御製元旦七言律詩一幅。賜安徽巡撫喻成龍除夕五言律詩一幅。賜將軍都

統提督及布政使劉殿衡江常鎮道施朝輔鎮  
江知府王侃等各御書有差羣臣謝

恩訖復賜素饌薄暮啟行泊京口

初十日過常州無錫

十一日未刻抵蘇州百姓奏樂叩迎喧闐數里  
金壇民譚近雅等叩聞請令原任知縣劉茂  
位清丈田地又有獻湖漕成案者請開練湖蓄  
水濟漕俱奉旨交臣等查議吳縣人倪尚暨  
生江弘文獻詩



上命大學士張玉書祭酒孫岳頌暨臣等全閱獲  
奏臣等奏云弘文詩雖未成青年可造尚用韻  
雜亂上命發還

駐蹕織造衙門江南督撫進蔬果百種不收凡獻  
詩賦照前或收或發還進衣進宴照前口溫諭  
不收紳士商民僧道於瑞光寺元妙觀及各名  
山建醮祝壽口賜將軍督撫提鎮口御饌此後  
駐蹕蘇州諸臣每日兩蒙口賜饌臣等又蒙  
特賜御饌一次又

特賜御厨點心八種

十二日

駐蹕織造衙門辰刻幸虎丘申刻還行宮

御製虎丘詩一首秀壁名吳水懸蘿接紫霞仁風  
期大吏厚俗止紛華停輦輿情閒開軒畎畝餘  
笙歌陳勿用意使盡桑麻侍衛海青馬武奏事  
存住捧出

賜臣聲並

賜御製督撫歲一幅

上諭云、爾在此做官多年、安靜和平——特以賜爾。  
虎丘詩中意、爾會得麼、臣學奏云、臣至愚極陋、  
承之此地多年、毫無善狀、蒙

天語褒獎、感愧無地、伏讀

御製虎丘詩、仰見我

皇上敦樸戒奢、移風易俗——德意流露、行墨間、臣

不才敬當奉揚

仁風、聿觀

聖化、時隨

駕迎

駕及在籍各官多有進獻

上量收一二臣學恭進

萬壽詩七律百韻一冊並進家藏書畫數種蒙收

萬壽詩及書籍墨蹟六種又進

皇太子蒙收未就書畫五種

十三日

賜臣學哈蜜瓜三個哈蜜瓜乾一盤西域六稜葡萄

一株西域公領孫葡萄一株

駕幸浙江傳

昔巡撫宋榮免隨 駕

十六日赴平望接

駕

十九日晚

駕自浙回舟泊王江涇

二十日丑時

御舟過平望午刻

駐蹕織造衙門吳縣民錢廷彪等叩 關請將原

任吳縣知縣今陞廣西上思州知州梁鳳翔仍  
留原任奉

旨交臣等查議江南督撫進宴百桌收分口賜從  
官

上諭諭大學士馬齊張玉書朕至浙省將浙省原  
任堂官翰林官員有因公呈悞革職降級年六  
十以上接駕者俱着給還原品今至蘇州着  
將原任堂官翰林官員內有因公呈悞降級年  
逾六十以上者查明具奏伊等俱已年老幸遇

朕巡視着將原品給還。臣等准內閣咨查有原  
任詹事府衙門左春坊左諭德秦松齡翰林院  
檢討降補行人司行人馮勗翰林院檢討降調  
潘耒翰林院檢討徐鉉等四人具摺開列付奏  
事存住等轉奏本日奉

旨着各給還原品。臣等覆奏金壇縣前令劉茂位  
原以貪劾去任毋庸令其清丈田地。譚近雅等  
依律治罪。又奏丹陽練湖舊有蓄水濟漕之說  
今湖久已淤塞開墾成田不必更張俱奉旨

依議臣等奏為糙米折價糴糶荒田開墾匪易  
謹具摺奏仰祈

聖裁事、一為蘇松常三府屬白糧向係雇船裝運  
全書編有運船飯米一萬七百餘石迨白糧改  
於漕船帶運部議將飯米照依改折白糧事例  
每石折銀一兩五錢解部但此項原係編徵糙  
米今令州縣照白糧折解定價與時值懸殊又  
江蘇等八府州屬漕糧向例正米耗米每石概  
給贈米五升續經部議耗米不准給贈每年計



有藏存米二萬餘石、部定每石折銀一兩二錢、  
亦與時價過昂、康熙三十五年以前之米、先經  
題准、將本色搭運、其三十六年以後、部議復令  
折解、殊滋苦累、恭請

聖恩、准將藏存飯贈等米、仍於漕船搭運、以實

大庾、一為淮揚二屬、鹽城、高郵、泰州、興化、寶應、  
五州縣、及歸併鹽城所、水淹版荒田地二萬三  
千餘頃、今已漸涸、惟是前項田地、係康熙七年  
河決冲淹、至康熙二十九年涸出、比因積淤日

久難於開墾及三十二年復被水沉經前督臣  
傅臘塔於謹陳淮揚年久版蕩等事案內會題  
奉

旨蠲免錢糧俟水涸開墾起徵今雖陸續涸出但  
湮沉三十餘載之地草根固結耒耜難施且原  
主已不可問必須招徠墾種若起科期迫欲墾  
之人親望不前口國賦反致虛懸合請  
睿慈俯寬起科年分容臣督令地方官分晰確查  
除未涸者仍俟每歲委員查勘外其已涸見在

有人承墾之田、定限三年之後起科、若雖已涸  
出、佈種乏人、尚須招徠承業者、定限六年之後  
起科、俾小民樂於趨事、盡力耕墾、按年輸賦、仰  
戴

皇恩無極矣、事關 國賦民生、臣謹具摺啟奏、恭  
候

聖裁、以便另疏請 旨施行、奉  
旨回鑒、後具奏、

接  
寫

蒙頒發

御製詩二集 命臣肇照式刊刻

三十一日

皇太子幸鄧尉華山支硎諸名勝

賜臣肇

御書清德堂額又 命臣撰官歲三命 漢家學一

經傳對聯並書以賜。又賜關東羊二羖、奶子酒一瓶、鹿肉乾二種、鹿舌、鹿尾、魚乾、風羊肉、糟雞等物。臣等覆奏原任吳縣知縣梁鳳翔居官素優，但陞員無保留之例，不便准行。奉

旨將原呈人逐釋。傳諭明日啟行，官民跪請留

駕，仍留一日。命督撫藩臬各將藏書目呈覽。

時督藩臬諸臣皆無。臣等進西陵藏書目一冊，計數萬卷，皆尋常書籍，無甚秘本。

上覽過云：今日冗甚，不及細覽，可暫發還。

三十二日

山命隨

駕各省督撫以下州縣以上各官俱寫字進呈  
大學士馬齊張玉書監閱昨駕幸浙江臣等  
蒙優老殊恩命於吳門祇候敬賦一律即書  
以獻隨刊續奏幸南邦翠蓋華芝泛大江吳  
越韶光開輦路湖山秀色入船窓港恩汪濊  
康衢頌

睿藻續紛藝苑降白首重蒙

通鑑卷一百一十五  
優詔及自憐遭際近無雙

上覽過將各督撫及江蘇布政使劉殿衡所書發  
內閣存案餘俱發還賜蘇州及沿途効力文  
武大小各官

御書有差在籍各官求

御書命各寫字呈一覽擇而賜之督撫司道  
各官求

皇太子書臣等蒙賜恭臨

御書唐句一幅



命侍衛馬武內大臣管鑾儀衛事阿靈阿考驗江寧撫標遊守千把各官。

二十三日

上駐蹕蘇州、辰刻、臣肇蒙

召至行宮別殿、

上據案東向、臣跪、御座傍北向、

上命近前、云巡撫氣色很好、臣對云、臣蒙

皇上天恩眷注、臣氣色自當好、

上云巡撫有何養生秘術、臣對云、臣並無養生秘

術

上云、氣色何以如此好、臣對云、臣幼多病、因而慎起居、節飲食、中年病少減、晚年頗覺清健、風水之說、或有之、臣曾祖暘、年九十有四、黃髮兒齒、族人常有壽至八十九十者、臣叔森今年八十五、起居飲食如常、臣蒙

天語垂問、或多活幾年、未可知、

上哂之、又問爾服何藥、臣對云、服八味地黃丸、六君子湯、又問用人參否、臣對云、用人參多不過

三錢

上頌太監李玉云、取好人參賜與、

上云、爾為巡撫、朕不曾聞人說爾有異樣好處、自江西調任以來、安靜和平、且蘇州何地、十二年、中、未嘗多出一事來、朕到此、無一人說爾不好、爾真是好官、深得大臣之體、臣對云、臣生明末、中原大亂、八歲陷賊中、匿一蘆席下、賊以鎗刺席、珮有聲、幸不及臣、是天留臣為

聖朝犬馬也、順治四年三月奉

上諭諭吏兵二部國事當開創之初文武大臣俱  
為國宣力在京三品以上在外總督巡撫提督  
總兵各送親子一人入朝侍衛察試才能授以  
任使時臣父擢官國史院大學士臣年十四三遵  
諭入侍曾記一日侍宴中和殿蒙

世祖章皇帝賜臣珍果十二盤臣叩頭謝口恩畢  
取一二品置懷中

世祖望見問曰爾意云何臣對云臣祖母丁今年  
政七十臣將携歸與祖母嘗之

世祖聞而色喜云此後任爾攜帶臣祖母及舉家  
蓋終歲飽一廚也臣幼蒙

先帝恩遇如此及臣之壯也蒙我

皇上破格簡拔敷歷中外濫竽旄節今又得瞻觀

皇太子臣何人斯遭逢之盛無以加矣臣昔在

江右四載不過潔已率屬毫無建樹蒙

天恩調撫江蘇等處臨行萬姓遮留兩泣臣亦淚

下霑襟即今江右人過臣家必望門下拜臣家

人偶過江右餽遺飲食不絕足見江右人情之

厚、臣初至吳門、人多不信、浪傳臣被盜失金珠  
甚多、後臣奉

命同吏部尚書熊賜履、兩江督臣傅臘塔、赴淮安  
查堤壓河占地畝、二臣偶以此事問臣、臣不勝  
愕然、迨歸署、適值講鄉約之期、臣遂於公所笑  
語士民云、昨聞此間喧傳本院失去金珠、請與  
爾士民一熟計之、若係家間金珠、何必携來署  
中收藏、若係吳門屬官所餽、或在一二年後、猫  
鼠同眠、亦未可定、乃本院蒞任方一月、無向屬

官索金珠之理、即索亦未必敢送、是此金珠必  
江右物矣、何以江右之民、愛本院之深耶、衆為  
笑謝、今十二年之久、皆深信、與江右無異、兩淮  
鹽商、每年陋規餽巡撫萬金、臣自江右至今計  
十六年、槩未受、各關差有應餽五千金、或三二  
千金、臣俱不受、紬緞食物、間受之、司道亦然、近  
苦無柴、擬向知府要、此臣實情也、若布衣蔬食、  
臣舊家子、有所不能、臣不敢自欺、以欺

皇上、

上笑云朕皆知之

上問地方官某某臣俱以實對又問蘇州知府何如臣對云知府石文焯係三十八年

皇上南巡前督臣張鵬翮與臣面奏蒙口恩陞授之員到任來實心任事頗為稱職今日聞卽抄文焯以盜案降一級調用業經奉旨惟是文焯有加二級不知卽臣何以未嘗抵銷臣請

皇上寬恩留任庶於地方有裨

上云爾卽具摺子來臣奏云臣今年七十原擬疏



請休致、因聞

聖駕南巡、故中止、恐致仕後不能再覲

天顏也、今臣仰瞻之願已遂、欲懇

天恩放歸林下、伏候 俞允、以便具疏、

上云、爾精力尚健、不必陳請、臣對云、貪位慕祿、人

臣所戒、但既蒙

皇上如此弘恩、臣何敢復請、謹乞勉供職、或一年、

或二年、實上衰憊、再當疏請、倘遺悞封疆、臣罪

滋大、至任子為近世所輕、

皇上用臣原屬非常曠典

本朝國史自當明書某年月日

臣以宋學為進撫臣惟真某年月日宋學致仕去

俾臣為

聖世完人足矣語云行百里者半九十蓋言晚節

末路之難也臣在江右曾寄一報與臣妻臣妻

駭甚曰家間有之何庸此臣子至舉人赴京會

試曾於三十八年蒙

皇上垂問又子致綏起皆候補道員幼子筠原大

學士李天馥之壻、亦舉人赴京會試、皆頗知自愛、不事奢華、臣妄取何用、若埋多金於地、自喪生平、臣不為也、臣曾伯祖謙、謚莊敏、為明吏部尚書、與海瑞齊名、臣祖沾、為山東福山令、頗有遺愛、至臣父權、官愈大、心愈小、家訓最嚴、臣每荷

皇上一番罷卷、即加一番凜惕、不但以負朝廷為懼、兼以負祖父為懼也、臣蒙皇上高厚隆恩、不啻家人父子、用敢披瀝至此、

上微哂首肯。臣奏畢趨出。方至戶外聞

上語侍臣云。巡撫啟奏甚好。即刻侍衛海青五十。  
太監李玉捧出貂帽一頂。團龍緞袍褂一襲。人  
參三觔。

賜臣。臣昨曾求眼鏡。今五十捧出綠端玻璃眼鏡  
一枚。竝賜臣云。

臣以備用者不佳。即以

上所現佩者賜爾。皮套上用金線繡四篆字。粧飾  
精絕。凡為奇珍。臣隨行三跪九叩頭禮謝。

恩祇受訖、官民再請留

駕未見

御製詩一首、癸未春二月二十日自杭回、至蘇州。  
是夜雨、二十一日、朕欲北行、地方大小官員百  
姓留住、二十二日雨甚、再留不能起行、二十三  
日雨晴、又欲留、故書懷以示、踟躕星夜、兩河工  
又至吳、卿舶趁風、春雨姑蘇、留豹尾、黎情江浙  
戀青驄、翠華景從、無雲蓋、徧履時巡、有折衷、不  
意龍蟠虎踞、勝豈因景物、雜譙冲、又

御製巡省江浙見閭閻稍有起色示諸臣省刑愛  
民詩一首巡方不用駕樓船白舫蘭橈問市厘  
和氣成春知歲稔清風布澤愛時妍齊民但示  
蒲鞭辱報國應同竹節堅莫恃才名輕庶物冥  
冥中自有青天已刻

駕行晚泊游墅閣

二十四日過無錫

華泰園晚泊常州白象橋

二十五日過常州丹陽抵鎮江

二十六日辰刻自鎮江登陸往江寧常熟民華  
時雍等叩。閣請移游關於無錫收稅。句容民  
胡聖齋等叩。閣請將革職知縣白良琯留任  
俱發。臣等查議。薄暮抵江寧。

驛織造衙門

二十七日兩

驛織造衙門。凡獻詩賦。照前或收或發還。進衣  
進宴。照前。溫諭不收。賜將軍督撫提鎮  
御饌。賜督臣阿山。御書。命江寧府縣各

官寫字進呈、隨發還各、口賜御書有差、臣等  
覆奏、華時雍胡聖齋叩、口聞二案、照律擬罪、奉  
旨依議、

口皇太子率報恩寺、

二十八日卯刻、

口聖駕仍由陸路返鎮江、

遣

口皇太子詣明太祖陵酌酒、晚大雨、

口驛金山、臣等具摺請將蘇州知府石文焯留任、



奉

部石文煒着照該撫所題留任該部知道

御製登金山望長江七言律一首烟雲清處曉霞  
飛萬里滔<sub>々</sub>映紫微靈液渺茫浮淑氣孤峰崒  
崒照晴暉花翻浪擁疑天色風動帆張共德威  
晝夜如斯莫間歇體乾勉已識璿璣<sub>口</sub>賜督臣  
阿山勒石山中

二十九日辰刻

幸焦山午後渡江泊塔灣幸行宮勇至會試中式一百十八名

三十日啟行經揚州夜過邵伯

三月初一日辰刻經高郵夜過寶應

初二日過淮安賜漕臣貂帽龍紋緞袍銀鼠

緞褂各一至清江浦

上乘輿往高堰勘堤

馳蹕關帝廟王河臣進宴收賜從官

初三日辰刻

上登舟往六壩閱工晚回關帝廟王

初四日自高堰還清口進膳賜督撫御饌

上乘輿由河南岸抵桃源渡河夜行

初五日抵宿遷登舟

初六日過邳州黃林庄入山東界夜行

初七日黎明過夏鎮辰刻江南文武各官於梅

林間跪送

聖駕

上停舟上命將軍鄂羅舜督臣阿山漕臣桑格登

舟面加訓諭將軍漕臣退

命臣聲及安撫喻成龍登舟臣等以次跪

御座前

天顏和霽、云朕此番南巡、看江南風景、比三十八年大好了、臣等奏云、江南地方、屢蒙

皇上破格優恤、元氣漸復、萬民感戴

知恩、大有熙皞氣象、

上云、督撫大吏、只要安靜和平、地方便受福、桑格原無異常才能、却安靜和平、深得大臣之體、如自負清廉、遇一小事、便搜求無已、民何以堪、宋榮久任劇地、亦安靜和平、民心悅服、深得大臣

之體、喻成龍才品最優、但要戒性子為主。臣肇  
等奏云、臣等蒙

皇上如此優容訓誨、敢不刻骨銘心、仰答

高厚、

上問一二屬員、臣山肇俱以實對、又問海州知州  
陳鵬年、居官何如、臣肇對云、居官好、

上又云、從前漢軍督撫、題叅多係漢人、漢人督撫、  
題叅多係漢軍、這都偏了、以後提議要從公、凡經  
朕簡用、或薦舉之員、一有改操、即當糾劾、不可

寬假臣等對云

大語仁至義盡臣等敢不凜遵臣等退

命提督張雲翼上江布政使趙世顯以次進見

臣出賜二將軍提督各緞袍褂二貂帽一

賜狼山總兵劉含高緞袍褂二四臣謝恩畢

諸臣跪送

御舟北上

七日旋署具奏謝

恩

西坡類藁卷四十一

孫品全校字